

կիչ*), Նախիջևեանը՝ 2599, իսկ Օրդուբաթը՝ 3444 բնակիչ:

V

Ասել է, ուրեմն, ուսուսական տիրապետութեան նախօրեակին Այրարատեան Հայաստանում եւ կամ ուսուսական վարչական բաժանումով, «Հայկական Ծրջանի» համապատասխան հողամասում հայերը ներկայացրել են մի չընչին թիւ միայն — 25,151 հոգի: Եթէ ուրեմն, միւս կողմից, նոյն այդ շրջանի 1838-ին վերաբերեալ գումարից, 164,500-ից, հանելու լինինք Պարսկաստանից (35,500 շունչ) եւ Տաճկաստանից (21,666 շունչ) ներգաղթածներին (ընդամենը 57,226 շունչ), ապա ուրեմն կը ստացուի, որ ուսուսական տիրապետութեան սկզբին Այրարատեան Հայաստանի բնակչութիւնը եղել է, կըր հաշուով, 107 հազար, որից հայ՝ միմիայն 25,151, այսինքն՝ 1/4-ից էլ պակաս:

Այստեղ մենք հաշուի չենք առնում մէկ տասնամեակի (1828-1838) ընթացքում առաջ եկած տարբերութիւնը եղած ազգաբնակչութեան մէջ, հաշուի չենք առնում նաեւ արուեստական նուազումը մասնագիտական տարրի, արտադրութի ճամբով, որ անշուշտ մեծ թիւ է ներկայացրել:

Եթէ, դարձեալ, բնական աճման տարբերութիւնները հաշուելու չառնենք նաեւ հայութեան միւս հատուածների վերաբերմամբ, որոնք ապրում էին Անդրկովկասի միւս մասերում (Ղարաբաղ, Վրաստան եւայլն), եւ եթէ հայերի ամբողջական (295 հազար) թուից (1838ին) հանելու լինինք 1828-1838-ին Պարսկաստանից եւ Տաճկաստանից ներգաղթած հայերի 57 հազարի հասնող թիւը, կը ստանանք 237 հազար:

Այս թուից Այրարատեան Հայաստանում ապրում էին ուրեմն, ուսուսական տիրապետութեան նախօրեակին, հազիւ 25 հազար, ասել է՝ ժամանակի անդրկովկասեան հայութեան հազիւ 10-11%-ը: Բազդատարար չնչին տոկոս:

Ուրեմն եթէ ամփոփելու լինինք այդ տուեալները, կը տեսնենք որ՝ 1.) Ռուսական տիրապետութեան հետեւանքով Անդրկովկասի հայութեան թիւը 237 հազարից բարձրանում է 294 հազարի, Անդրկովկասեան կամ Այրարատեան Հայաստանի («Հայկական Ծրջան») բնակչութեան թիւն էլ՝ 107 հազարից 164 հազարի: 2. Ռուս տիրապետութիւնից անմիջապէս առաջ այդ հողամասի (Այրարատ. Հայաստան) հողի վրայ ապրող հայութեան թիւը աւելի քան եռապատկուում է, կազմելով արդէն բնակչութեան կէսը, մինչ առաջ հազիւ 1/4-ն էր: 3. Ռուս տիրապետութիւնից առաջ նոյն այդ հողամասի վրայ նստած էր անդրկովկասեան հայութեան հազիւ մէկ իններորդը, իսկ նոյն տիրապետութիւնից 10 տարի անց՝ արդէն շուրջ 1/4-ը:

Այս ամէնի հետ մոռնալու չէ հարկաւ, որ այդ փոփոխութիւնները տեղի էին ունեցել մի կողմից պարսկահայ եւ տաճկահայ տարրերի ներգաղթի եւ միւս կողմից էլ տեղական մասնագիտական տարրի արտագաղթի հետեւանքով: Ե՛ւ մէկը, ե՛ւ միւսը խրախուսում էին ժամանակի ուս իշխանութիւնները:

Որպէսզի 1838-ին վերաբերեալ թուական տեղեկութիւնները լրացրած լինինք, ասենք նաեւ, որ ժամանակակից Հայաստանը կամ «Հայկական Ծրջան» ասուածը ունէր ընդամենը 18,620 քառակուսի վերստ (շուրջ 21,000 ք.քմ.) տարածութիւն: «Հայկական Ծրջան»-ի մասեր էին կազմում, յայտնի է, 1. Երևանի նախկին խանութիւնը եւ կամ, յետագայի բաժանումով, Երեւանի նահանգի Երեւան, Էջմիածին, Սուրմարու, Նոր-Բայազիդ եւ մասամբ Ծարուբ գաւառները, եւ 2. Նախիջևեանի խանութիւնը, այսինքն յետագայի համանուն գաւառը (Օրդուբաթն էլ մէջը) եւ Ծարուբի մի մասը:

Մենք տեսնք ուրեմն մտաւորապէս, թէ հայութիւնը ի՛նչ թիւ էր ներկայացնում Անդրկովկասի սահմաններում ընդհանրապէս եւ «Հայկական Ծրջան»-ում մասնաւորապէս՝ ուսուսական տիրապետութիւնից անմիջապէս առաջ եւ 1838-ին, ինչպէս նաեւ 1897-ին, համաուսական վիճակագրութեան օրերին եւ, վերջապէս, 1926-ին:

Թուական տեղեկութիւններ ուրիշ տարեշրջանների մասին դժբախտաբար չունինք ձեռ-

*) Բողենշտէրտ տալիս է 7-8 հազար թիւը: